

ԱՐԽԵՆԱԿ ՀԱՅԿՈՒՆՈՒ ՀԱՍԱՐԱԿԱԿԱՆ-ՔԱՂԱՔԱԿԱՆ ՀԱՅԱՑՔՆԵՐԸ

Ս. Պ. ՀԱՅՐԱՊԵՏՅԱՆ

Արևմտահայ գրող, բանաստեղծ և դրամատուրգ Արմենակ Հայկունու (Համբարձում Ծիզմեճյան) կյանքն ու գործունեությունը անմիջականորեն կապվում են 50—60-ական թթ. արևմտահայ իրականության մեջ տեղի ունեցած քաղաքական և հասարակական մտքի տեղաշարժերի հետ:

Հայկունին արևմտահայ առաջին արձակագիրներից էր, մի շարք ինքնուրույն և թարղմանական պիեսների հեղինակ: Նրա «Էլիզա» վեպը արևմտահայ գրականության առաջին քաղաքական վեպն է, ուր արտացոլվում է ազատագրական շարժման գաղափարը և գեղարվեստական ձևի մեջ ներկայացվում են հեղինակի հայացքները կրթության, լուսավորության, կրոնի և բաղմաթիվ այլ հարցերի վերաբերյալ: Հայկունուն է պատկանում «Մուսայր Մասյաց» հայ առաջին թատերական ամսագրի հրատարակման պատիվը:

1861 թ. Հայկունին մեկը մյուսի ետևից տպագրեց իր բժշկա-բնագիտական բրոշյուրները: Դրանք չորսն էին՝ «Գարնան ծաղիկներ», «Գաղտնիք բնության», «Գերեզմանք երիտասարդաց» և «Աշնան տերևներ»: Պատահական չէր, որ այդ գրքույկները բուռն բանավեճ հարուցեցին: Երեւելույթը նորություն էր հայ իրականության մեջ: Այդ մասին «Մեղուն» գրում էր. «Ասոնք հայկական գրականության ասպարեզին մեջ գրեթե նոր ու առաջինն են, բայց այսպիսի գրյանց օգտակարությունը միշտ անուրանալի է. քանզի առողջությունն ու երջանկությունը գլխավորապես ատ տեսակ գիտություններն կախում ունին»¹:

Նույնանման կարծիք էր հայտնում նաև «Պեգասյան թռչնիկը». «Զավակաց մատակարարվելիք ճշմարիտ կրթությունը զանոնք կատարելապես մարդասիրական և ընկերասիրական սկզբունքներով զարթելու և երկրիս ու մարդկային դրության վերաբերյալ ամեն գիտությանց տեղյակ ընելու մեջ նկայանա...»²— գրում էր նա²:

Ազգի երջանիկ ապագան նույն ազգի քաղաքակրթության մեջ է, գրում էր «Զեփյուռ Հայրենյացի» երիտասարդ խմբագիր Հ. Գափամաճյանը: Այն ազգը, որը հետամուտ է քաղաքակրթության՝ բարի ու երջանիկ ապագան պատրաստ է նրա համար: Եվ ի՞նչ է քաղաքակրթությունը, հարցնում էր նա, եթե ոչ լուսավորություն, «որ գիտությամբ կրնա ստացվիլ միայն՝ որոնք ընդհանրապես բնության գաղտնյացն ու օրինացը վրա կճառեն...»³: Առաջադեմ միտքը բարեմաղթում ու քաջալերում էր հրատարակությունները, իզուր չէր «Մեղուն» գրքույկները ոմանց համար համարում գարնան ծաղիկներ, իսկ ոմանց համար՝ չոր փշեր: Հին սերունդը քարոզում է «կեղծ բարեպաշտություն», նոր սերունդը պահանջում է իսկական քաղաքակրթություն, հինը ծածկում է իրականության դեմքը, նորը՝ մատնանշում հասարակության տգիտությունը, լուսավորության և առաջընթացի համար պահանջվող բանիմացությունը՝ կյանքի այլևայլ բնագավառներում:

Հիշյալ գրքույկների մեծաթիվ վաճառքը «անշուշտ մոզովրդյան, չափազանց ընթերցասիրությունը չէր,—նշում էր «Մեղուն»,—այլ նյութերու պիտուականությունը և գրքերուն ազդեցությունն է որ ինքզինքը ծախել կուտա...»⁴: Այդ էր վկայում նաև հրապարակախոսի գրքույկների թուրքերեն թարգմանության փաստը⁵:

Հայկունու գրքույկներում արծարծված հարցերը կապված էին բնության և մարդու, կյանքի և առողջության վերաբերյալ այն նոր հայացքների հետ, որ մշակել էր հրապարակախոսը տիրապետող մտայնությանը հակադրվելով:

Ծիշտ է, նրա ունեցած բժշկա-բնագիտական տեղեկությունները դեռ տարրական են, բայց և այնպես ավանդական միջնադարյան գաղափարախոսության բացասման կովան են ծառայում:

1 «Մեղուն», 1863, № 205.

2 «Պեգասյան թռչնիկ», 1863, № 12.

3 «Զեփյուռ հայրենյաց», 1863, № 27, էջ 213.

4 «Մեղուն», 1863, № 209, էջ 211.

5 Նույն տեղում, № 217, էջ 280.

XIX դարի կեսերին հայ կյանքում կրոնական կաշկանդումները թեև զգալի էին, բայց նոր խոսքի և մտածողության առաջխաղացումը նկատելի էր: Ջարգացող իրադրության մեջ զգացվում էր տեսական մտքի պակաս և, հատկապես, աշխարհընկալումը կրոնական պատանքից ազատագրելու ճիգ: Կրոնական-աղանդավորական մտածողության հաղթահարումից հետո միայն պետք է դրվեր կյանքի վերանորոգման մյուս արմատական խնդիրների լուծումը:

Սա սկիզբ դարձավ մի սուր ու համառ քանավեճի, որ սկսվեց «Երևակի» ու «Ժամանակի» կողմից՝ ընդդեմ Հայկունու և մեղվականների: Բնության և մարդու վերաբերյալ նոր հայացքների գիտական ըմբռնումները ոտքի հանեցին ամբողջ կղերամիտ բանակը: Հնօրյա «պատվելի» և նրա փիլոսոփոր համախոհների դեմ Հայկունին դուրս եկավ ամենայն վճռականությամբ:

Համառ էր «Ժամանակ» հանդեսի պահպանողական խմբագիր Ս. Փափազյանի պայքարը Հայկունու դեմ: Նա «Ժամանակ»-ում հանդես եկավ մի ընդարձակ հոդվածով, որով քննադատում և կասկածի տակ էր առնում հրապարակախոսի մտքերը՝ բնության ճրկույթների մասին: Երիտասարդ Հայկունին լիրերալների պարագլխին պատասխանում է թժեբմակ կամ պ. Փափազյան և յուր ժամանակը՝ դրքույկով: Բնության գաղտնիքների և աշխարհաճանաչության նոր պատկերացումների շուրջը տարվող այս բանավեճը առաջին գծի վրա մղեց կրոնի խնդիրը: Ավելի ճիշտ, այն դարձավ Հայկունի-Փափազյան պայքարի միջուկը:

Այդ նույն տարիներին Հայկունին աշխատակցում էր Գրիգոր Ալեքսանյանի խմբագրությամբ հրապարակվող «Պեղասյան թռչնիկին»: Լիբերալ այս հրատարակության էջերում Հայկունու հանդես գալը շատ կարևոր երևույթ էր: Չափավոր հայացքների տեր խմբագրին, որը որոշ հարցերում համերաշխում էր պահպանողական կողմին, չէին կարող չանհանգստացնել կրոնի ու ազգային կյանքի վերափոխություն քարոզող աշխատակցի պահանջները: Հայկունու Ելույթները՝ ուղղված ազգային-պահպանողական օրգանների դեմ, սարսափեցնում էին պարբերականի խմբագրին: Սրա էջերում 1863 թ. լույս է տեսնում Հայկունու «Ամուսնական» հոդվածաշարը: Հրապարակախոսը այստեղ մեկ առ մեկ նշում էր կրթության, դաստիարակության և ամուսնության խնդրում ծնողների ունեցած դերը: Հայկունին դեմ էր ծնողների ինչպես սրբապատկերական իշխանությանը, նույնպես և անտարբեր «անհոգությանը»: «Որ և իցե մեկը, — գրում էր նա, — որ ծնողական անիրավ իշխանության պատճառով ամուսնացյալ է իրեն յիբելի շեղողի մը հետ, մեծ իրավունք ունի անկից բաժնվելու և անհավատարիմ լինելու, առանց ամենևին խորհելու թե սովորությունը, քաղաքականությունը և կրոնքը ի՞նչ կրսեն...»⁶: Ամուսնությունը կրոնական և հասարակական կապանքներով սեղմող այդ դարում Հայկունու մտքերը չափազանց համարձակ էին: Նա քարոզում էր մի կողմից բարոյական նոր նորմեր, որոնք համապատասխան էին ժամանակաշրջանի ոգուն, իսկ մյուս կողմից խարազանում ավատական մտայնության վրա հիմնված և իր ժամանակն արդեն ապրած բարոյական ըմբռնումները, երիտասարդության կրթության հնավանդ ուղիները, եկեղեցական սխուլաստիկ դաստիարակությունը՝ «Ճշմարիտ կրթությունը, — գրում էր նա, — ...մարդասիրական և ընկերասիրական սկզբունքներով զարթելու և երկրիս ու մարդկային դրության վերաբերյալ ամեն գիտությանց տեղեկանալու մեջ կկայանա...»⁷:

Հայկունին գիտեր, թե ինչ աղմուկ են քարծրացնելու այս տողերը կղերամիտ և պահպանողական շրջաններում. «...Մենք այս նյութի վրա թեև կրնայինք ավելի ընդարձակ և ավելի մանրամասն կերպով գրել, սակայն լավ վերահասու լինելով ազգային մտավորական ետադիմությանը չուզեցինք առ այժմ ամեն բան բացահայտ խոսելու...»⁸: Զուլացան հոգևոր դասի և նրա հովանավորությամբ գործող ազգային իշխանությունների հարձակումները: «Քանի մը խոսք «Պեղասյան թռչնիկ» 12-րդ թվուն վրա» հոդվածով «Ժամանակ»-ում հանդես եկավ հանդեսի պահպանողական խմբագիր Ս. Փափազյանը: Կրոնի ամենակարող ուժը ժխտող հրապարակախոսի մտքերը ապշեցնում են «Ժամանակ»-ի խմբագրին, որը նույնիսկ չէր ուզում հավատալ. թե այդ տողերի հեղինակը Հայկունին էր. «Վասնզի, — գրում էր նա, — Պեպքի բողոքականաց դպրոցին մեջ իր դաստիարակությունը առնող պատանին մը եթե ոչ պաշտպանություն Հայաստանյացս Ս. եկեղեցվո ուղղափառությանը՝ գեթ քրիստոնեական Ս. կրոնի դեմ հարձակմունք չէինք սպասեր»⁹: Հոդվածագիրը սկզբում այդ համարում էր անզգուշություն, սսակայն, — բացատրում է նա, — հոդվածին հեղինակը անձամբ տեսնելով՝ երբ բացատրություն խնդրեցինք իր հոդվածին վրայոք, ցավոք սրտի նկատեցինք, որ կատարելապես կրացատրե ինչպես որ չէինք կարծեր, և սրտի ցավ մ'ալ

6 «Պեղասյան թռչնիկ», 1863, № 8, էջ 63:

7 Նույն տեղում, 1863, № 12, էջ 94: Ա. Հ. Ամուսնական:

8 Նույն տեղում. էջ 95:

9 «Ժամանակ», 1863, № 16, էջ 124:

նկատեցինք վրան, որ կարող չէ համարձակ իր սկզբունքները հրատարակել, և մարդկային ազդր փրկել այնպիսի նախապաշարմունքն մը, որ հավիտենականության ցնորթով մը՝ երկրիս մեջ զանազան երանություններ վայելելն զրկված է»¹⁰։

Լինելով մարտնչող հրապարակախոս և պաշտպանելով այն դասի իրավունքները, որի ներկայացուցիչն էր ինքը, Հայկունին, ազգային հարաբերությունների զարգացման այս շրջանում, դիմադարձ էր կղերապահականողական կողմին և համարձակ կերպով շարադրում էր իր դավանած սկզբունքները, նրա առաջադրած գաղափարների բուն բովանդակությունը կապվում էր դարակեսին ձևավորվող ազգային ինքնություն մտայնությանը նպաստող ու այն նախապատրաստող գաղափարաբանության հետ։ Իր էությունով այդ գաղափարաբանությունը օպոզիցիոն դիրք էր զբաղում կղերա-աղայական և ազգային պահականողական դասի նկատմամբ, որքան էլ որ ընդունելու կրոնն ստեղծող արարչի գոյությունը։ «Վերջապես և կա՞ծ հասած է ժամանակը,— գրում էր Հայկունին.— որ մենք ազատիմք ալ այն կեղծ ու շինծու ամոթխածութենեն, որ մեր աճումը վիրավորած և հարազատ անմեղությունը կիրաբարանափոխ րրած է, բավ ևղավ ալ մարդկային ընկերության կրած վնասները, այս անհարազատ պարկեշտութենեն, որ կթողու ախտերուն զարհուրելի կերպարանները ուզած աստիճաններուն հասնելու, և փոխանակ զանոնք երևան հանելու և անոնց դարմանները գտնելու, կստիպեմք զմեզ զգվանոք երես դարձնել անոնցմե»¹¹։ Նոր զարգացող բուրժուական բարքերը որոշակիորեն ցուցաբերում էին իրենց բարոյական սնանկությունը։ Այդ հասարակարգի քաղաքակրթության վնասներն ու չարիքը երիտասարդության ցոփ ու չվայտ կենցաղում՝ հրապարակախոսի կողմից ներկայացվում են իրենց իսկական տեսքով և հետևանքներով։

Հայկունին լավ դիտեր, որ շատերը կդատապարտեն և թույլ մեկնություններ ևս կտան իր աշխատություններին։ Պատմության մեջ գիտության բոլոր առաջամարտիկները դատապարտվել են, այրվել են ու արքունիվել։ Ուստի մենք,— գրում է Հայկունին,— որ նոր գտում մը հրատարակելու ձեռք չենք զարկած, այլ միայն մենե շատ լուսավորյալ և բարեկարգյալ ազգաց մեջ միլիոնավորներով հրատարակված... գիտության վրա պիտի խոսիմք, ամենեին փույթ չեմք կրնար ընել թե որ խել մը գլուխներ խոժոռին մեզ դեմ, դատապարտեն մեզ և մեր աշխատասիրությունը...»¹²։ «Կգտնվին անձինք, որոնք սնուսի զգուշավորությամբ կձգտեն, որ հասարակությունը, որքան հնարավոր է, տգետ մնա յուր բարեխղճությանը»։ Բավական է, այլևս, որ խավարում տեղի ունեցող «զազրադործությունները» հասարակության մեջ չհիշվին և այդ մասին չդրվի։ Հասարակությունը պետք է տեղյակ լինի դրանց հետևանքներին։ Մարդակազմության բոլոր օրենքները չպետք է դատապարտվեն կամ մերժվեն, «վասն Կի... բնության ձայնը մեր լուրջենեն զորավոր է»,— հիշեցնում էր երիտասարդ հրապարակախոսը։

Առաջադրելով մարդկային առողջ մարմնի պահանջը, Հայկունին մերժում է նախապաշարված տգիտությունը, որով և նպաստում է կյանքի նկատմամբ ռեալիստական աշխարհայեցության կազմավորմանը։ Համիլյան ուսումնառության տարիներին նա ծանոթացել էր եվրոպական առաջավոր բնագիտական մտքի նվաճումներին՝ օրգանիզմի կազմությանը, բջջային տեսությանը, Դարվինի ուսմունքին, նյութափոխանակությանը և այլն։ Սա հեշտացրեց 60-ական թթ. նրա հայացքների շրջադարձը։ Հայկունու միտքն ուղղվում էր արևմուտքի առաջավոր հասարակական մտքի կողմը, հենվում համաշխարհային գիտության նվաճումների վրա¹³։ Նա նշում էր տեսական ու գործնական այն միջոցները, որ ընձեռում էր գիտությունը՝ հասարակությունն ապականող ազդեցությունից մաքրելու և մարդկանց ֆիզիկական բարօրության հասցնելու համար։

Հայկունու կարծիքով մարդկային կազմության, նրա ֆիզիոլոգիայի օրենքները չունեն միասնական բնույթ։ Դրանք բոլորն էլ բնական օրենքներ են՝ համընդհանուր և օրենկտիվ։ Մարդն ինքը բնության մի մասնիկն է և ամբողջովին ենթարկվում է նրա ներքին օրինաչափություններին։ «Պետք է գիտենալ,— գրում էր հրապարակախոսը,— թե բնության մեջ գտնված ամեն օրենք տիեզերական է, և բնությունը չունի այնպիսի օրենք մը, որ մասնավոր լինի, ամենաստորին ճրճիներեն սկսյալ մինչև մարդս մինևույն օրենքներով կսեին կապին, կծնանին կամ կմեռնին...»¹⁴։ Մարդկային ցեղը, որպես նույն տիեզերքի բաղկացուցիչ մի մասը, ենթարկվում է նույն օրենքներին՝ կյանքում հավերժորեն գործող զարգացման և բազմացման կանոններին։ Նվ գիտություն-

10 Նույն տեղում։

11 «Գերեզմանք երիտասարդաց», Պոլիս, 1882, էջ 5։

12 «Դադարտի բնության», Պոլիս, 1863, առաջաբան, էջ 2։

13 Նույն տեղում, էջ Թ։

14 «Դադարտի բնության», Յառաջաբան, էջ 7։

ներն են միայն, որ մարդուն ծանոթացնում են բնության զաղտնիքներին¹⁵։ Բնության երևույթների այսպիսի բնութագրումը, թեև նախ իր ձևի մեջ, այնուհանդերձ ի հայտ էր բերում մի զաղափարական ելակետ, որն իր բնույթով հակադրվում էր աշխարհի և մարդու վերաբերյալ տիրապետող կրոնա-միստիկական պատկերացումներին և շափազանց համարձակ էր հնչում ժամանակի իրականության մեջ։ Այդ ուսմունքների բավական մանրազնին ուսումնասիրությունը Հայկունուն տվեց աշխարհի ավելի ճիշտ և նոր պատկերացում։

Հայկունու այդ շրջանի (1862—66 թթ.) գործունեությունը քննելիս պարզ է դառնում, որ հրապարակախոսի հայացքները կրոնական-ավանդական մտածողությունից զարգանում են դեպի արևմտական դեմոկրատիզմի դիրքերը։ Կրոնական աշխարհայեցությունը, որն այնքան ամուր պատվաստված էր նրա մոտ մտնկությունից ի վեր, տեղի է տալիս դեիզմին։ Հրապարակախոսի պարզ մարդու մտավոր և հասարակական-քաղաքական ազատություն համար առաջին ներթին ուղղվում էր միջնադարյան սխալաստիկ մտածողության դեմ։ Մարդը դառնում է երկրի վրա և հենց այդտեղ էլ պետք է որոնի իր բարօրության և դժբախտության պատճառները, բնության երեվույթների ուսումնասիրության մեջ որոնի բարօրության հասնելու միջոցները։ «Փորձառությունն ալ համոզեց աշխարհս,— գրում էր նա,— թե լուկ կրոնասիրությունը միմիայն հանդերձյալ կյանքի մեջ երջանկություն մը ձեռք բերելու համար գրեթե տրված պարտավորություն մի է, և այս աշխարհիս մեջ մեր անցնելիք օրերու համար օգուտ մը չի կրնար ունենալ, և ոչ ալ կրնա հոս մեզ երջանիկ բնել...»¹⁶։

1863 թ. գրած այս տողերը հաստատում են Հայկունու անցումը կրոնից դիտության դիրքերը։ Կրոնը դիտելով որպես «նախապաշարմունք», Հայկունին փորձում էր խորանալ բնության օրենքների, բնական դիտությունների իմացության մեջ, բնդ որում, գտնելով, որ բնության օրենքների և հարաբերությունների այդ իմացությունը դեռևս չի նշանակում ժխտել արարչի գոյությունը։ Նա, մի կողմից, աստծո զաղափարը հեռացնում էր բնության օրենքների ամենակարող ուժով, բայց և այդ օրենքները հաստատում «վերին տեսչության» անդիմադրելի և անփոփոխելի կամքով։ Այնուամենայնիվ, մարդկային ցեղի առաջընթացը, նրա երջանկությունը Հայկունին կախված էր համարում «բոլոր այն դիտություններեն ու ուսմունքներեն, որ բնության կվերաբերին...»։ Նատենը առողջ և երկարակյաց կլինեին, և թե ծանոթ լինեին մարդակազմությանը, կամ վաղաժամ ամուսնության պատճառած վնասներին։ «Սիթե բնական գիտությանց շնորհիվն չէ՝ որ երկրագործության, հանքարանության, մաթեմատիկական գիտությանց միջոցով խել մը երջանկություններ կվայելն մարդս...»¹⁷ — գրում էր նա։

Հայկունին խորապես բնութենել էր դիտության «ամենագործությունը», մարդկության առաջընթացը դյուրացնելու նրա բնական բազմաթիվ հնարավորությունները։ Նա միաժամանակ փորձում էր համոզել, որ դիտությունը ոչ մի կապ չունի աստծո հետ և ամենևին կասկածի տակ չի դնում նրա գոյությունը։ Բնության օրենքների իմացությունը այլ բան չէ, քան հասարակական նոր հարաբերություններով պայմանավորված մտավոր զարգացման պրոցես։ «Մարդկային որ և իցե բնկերություն,— գրում էր նա,— որ կուզե լուսավորվիլ և այս աշխարհիս մեջ երջանիկ լինիլ պարտի բնության ամեն օրենքներուն և մարդկային կազմության սույն օրինաց հետ ունեցած հարաբերությանց տեղյակ՝ և բնկերական պարտավորությանց լավ վերահասու լինիլ։ Մարդս աշխարհ եկած չէ լուս հանդերձյալ կենաց համար տանջվելու, այլ այս կյանքս ալ շատ երանություններ ունի որ վայելելու է»¹⁸։ Հայկունին քննադատում է կրոնը, բացահայտում կրոնական աշխարհայեցողության անհեթեթությունները, բայց միաժամանակ բնությունից դուրս տեսնում է արարչին, որը անմեկնելի և անքննադատելի է իր բարձրության վրա։ Նա մեկ հայտարարում է, որ մարդկային բարօրության և փրկության միակ ելքը դիտության նախաձեռնած միջոցներն են և այդ է մարդկային հասարակության զարգացման ճշմարիտ և միակ ուղին՝ ունենալով այն համոզումը, որ կրոնական ջերմեռանդությունը անկարող է օգնել մարդկությանը, մեկ էլ բնության երևույթների գիտական բացատրության կողքին ընդունում է ստեղծագործ արարչի գոյությունը։ Ելման կետը, այնուամենայնիվ, դառնում է արարիչը։ Որքան տարապայման հիմարություն է բոլոր այս խորհրդավոր տիեզերագործության մեջ,— հայտարարում է նա,— Արարիչ մը չի տեսնելը, խորհող արարիչ մը... երկրպագելի արարիչ մը»¹⁹։

¹⁵ Նույն տեղում, էջ 1։

¹⁶ «Պեղասկան թուղիկ», 1863, № 12, էջ 94։

¹⁷ «Ծերմակ կամ պարոն Փափազյան ու յուր ժամանակը», Առաջարան, Պոլիս, 1863, էջ 8։

¹⁸ Նույն տեղում, էջ 3։

¹⁹ «Կաղտնիք բնության», էջ 1։

Հեռանալով կրոնական գաղափարից, բարոյախոսությունից, Հայկունին մարդկային երջանկության և բարոյականության ակունքը փնտրում է երկրի վրա: Նա հայտարարում է. «Մարդկային բարոյականությունը երբեք կրոնքն ծագումն առած չէ»²⁰: Փափագյանի այն թեզին, թե «Ճշմարիտ բարոյականության հիմը քրիստոնեության ճշմարիտ կրոնի վրա հիմնված է, և այս ճշմարիտ կրոնքն կաղերքանա բարոյականությունը»²¹, Հայկունին պատասխանում է՝ «բարոյականությունը մարդու նախնական և անբաժանելի մեկ հանգամանքն է: Իսկ եթե հրաժարվենք ընդունելու այդ, ապա պարտավոր ենք քրիստոնեությունից զատ մնացած բոլոր կրոնները «իրրև աստվածային հայտնությունք» ընդունել, որովհետև աշխարհում գոյություն ունեցող բոլոր կրոնները զրեթե միևնույն բարոյականությունն են պահանջում իրենց հավատակիցներից: «Պարսիկք, հույնք և ամենայն ազգք հեթանոսաց առանց այլ օրինաց իրաւունս դատաստանի կատարեն ի պատել զբարեգործ և ի պատժել զչարագործս», — գրում էր Հայկունին, մեջ բերելով «Հաճախապատումի» խոսքերը²²: Հայկունին կարծում էր, որ կրոնի պաշտոնը միմիայն բարոյականության պաշտպանությունն է, սակայն կրոնը չի կատարում իր պարտավորությունը: «Աշխարհիս պատմությունը երբ լավ մը աչքն անցնենք», — գրում է Հայկունին, — կտեսնենք որ կրոնքը յուր նպատակին չը կրցավ հասնիլ»²³: Որովհետև այն, կղերականների ձեռքը ընկնելով, այնպես այլապեք չէր: «որ օգուտից ավելի վնասակար եղավ մարդկային բարոյականությանը»²⁴: «Բարոյականությունը ըսածդ նոցա համար քսանվեց զխով սատանա է: «Կղերը մարդկության ամենամեծ թշնամին է...» — գրում էր նա: Հայկունին նկատում է, որ կրոնի բարոյականություն սերմանող թեզերը այնքան նացած են և անբուխ, որ «յսօր տիրող այլանդակ բարոյական բարքերի պատճառը դառնում է կամ կրոնը և կամ կղերը»:

Բայց Հայկունին բարոյականությունը չէր պայմանավորում հասարակական միջավայրի և և իշխող հանրակարգի հանգամանքներով: Մարդու բարոյական նկարագիրը նա բխեցնում էր անձի ներքին բնությունից ու համոզումից՝ չըմբռնելով, որ միջավայրի և տիրող հասարակարգի վերափոխումը կփոխեր նաև իշխող բարոյական նորմերը՝ ստեղծելով նոր պայմաններ բարոյական կյանքի համար:

Ուշագրավ է Հայկունու բացահայտ բողոքը հնօրյա ազգայնամուլների մարդատյաց թեզերի դեմ: «Կրոնասիրությունը մարդս մարդատյաց կրենք» — գրում է Հայկունին, «եակցիոն այդ մտայնությունը կապելով կրոնական տարբեր գաղափարախոսությունների հետ: «Կրոնքը չէ՞ որ մեր սրտին մեջ մեր եկեղեցվո ընդունածն բան մը պակաս հավատացող ուրիշ ազգաց վրա թշնամություն կհարուցանեն, միայն կրոնասիրությունն չէ՞ր, որ հրեաները դատապարտյալ, մահմետականները հեթանոս, Հռովմեականները նեոպագան, Բողոքականները աղանդավոր ճանցուց մեզ... մեր կղերը չէ՞, որ միայն կրոնասիրությանց կրթնած շարունակ կթարոզեն մեզ, թե բացի լուսավորչական եկեղեցիին հետևողներեն՝ ուրիշ ամեն ազգերն և տարբեր կրոնական դրոյթանց հետևողներուն ծուռ նայինք՝ որ ամենևին վայել չէ մարդկության. միայն կրոնասիրությունը չէ՞ր, որ Քրիստոնյա աշխարհս մահմետականության թշնամի ըրավ...»²⁵:

Չնայած այս բոլորին, Հայկունին հայտարարում է, որ ինքը հարգում է ինչպես կրոնը, նույնպես և նրա պաշտոնյաներին: Եվ թող իր այս բացատրությունները հիմք չտան պարոն Փափագյանին իրեն անկրոն հռչակելու, որովհետև «եթե ես սեկրոն եմ», — գրում է նա, — ի՞նչ կարևորություն ունիմ կրոնի պաշտոնյաներուն պարտադանցություններուն դեմ բարկանալու: Հայկունու պամֆլետի եզրափակիչ այս խոսքերը ունեն ռոշակի իմաստ և նպատակ: Նա լավ հասկանում էր, որ շրջապատի հետամնաց միջավայրում, նախապաշարված ժողովրդի մեջ անկրոն մարդու խոսքերը ոչ ոք չէր լսի: Մյուս կողմից «ոացիոնալիստական» այս դեիզմը խավարամուլների հետապնդումից խուսափելու համար ձև էր:

Մեծագույն արժանապատվությամբ և մարտական խիզախությամբ գրված Հայկունու պամֆլետին Ս. Փափագյանը պատասխանեց «Պարոն Ա. Հայկունին և յուր ճերմակը» հոդվածաշարով: «Ժամանակ»-ի վերավորված խմբագիրը, Հայկունու գրքույկներում շոշափված «կասկածելի» թեզերի հիման վրա, փորձում էր հիմնավորել հրապարակախոսի անաստվածությունն ու անկրոնությունը: Նա Հայկունուն համարում էր «այն սև հոգիներեն», որոնք «անդադար կմարտնչին աստծո

20 Նույն տեղում, էջ 11:

21 «Ժամանակ», 1863, № 19, էջ 152:

22 Նույն տեղում, էջ 13:

23 «Ճերմակ կամ պարոն Փափագյան», Առաջարան, էջ 16:

24 Նույն տեղում:

25 Նույն տեղում, էջ 18:

եկեղեցվոյն դեմ»²⁶։ Կղերա-աղայական և ազգային պահպանողական բանականները իրենց բոլոր ուժերը ոգեկոչեցին այդ նորելուկ «աթիստին» մեկընդմիջտ լոկացնելու համար։ «Ժամանակ»-ը հրատարակում է Շաթրրիանի «Անաստվածությունը վտանգավոր և անօգուտ է» հոդվածաշարը, «Երևակը» «Խորհուրդ գաղտնի ընկերությանց» դիրքը։

Բայց Հայկունուն ընկճելը այնքան էլ հեշտ չէր։ Բացառիկ անձնազոհ այս մարդուն չէին հուսահատեցնում ոչ կղերական-պահպանողական բանակի և ոչ էլ լիբերալ ազդեցիկ սահմանադրականների ելույթներն ու բանասարկությունները։ Նա անվհատ շարունակում էր իր գործն ու միայնակ դիմագրավում հակառակորդների հարվածներին։ Հայկունու համոզմունքները աներեբ էին «Զայնի» համարներից մեկում նա տպում է իր ծաղրանկարը և տակը գրում՝ «Արմենակ Հայկունի Ճիզմեճյանի երկու ոտքը մեկ ճիզմեի մեջ է, ոսկայն, չպիտի դադարի ծայն հանելու՝ մին-և երկուկուրդ պատովի»²⁷։

Իսկ ինչու էր Հայկունին նախընտրում կյանքի այդ դժվարին ու քարքարոտ ուղին։ Ի՞նչն էր ստիպել նրան իր երեքուն սոցիալական դիրքով ու համեստ խմբագրի կամ ուսուցչի վիճակով նետվելու վտանգավոր բանավեճերի թռչուրդի մեջ՝ դեմընթաց ամենազոր հակառակորդներին։

Հայկունուն անհանգստացնողը հարազատ ժողովրդի ճակատագիրն էր։ Հանդես գալով նոր երևույթներով հարուստ մի ժամանակաշրջանում, նա անվարան կերպով փորձում էր բացահայտել նորի, առաջավորի իմաստը՝ դրանով իսկ հակադրվելով հնացած ու իր դարն ապրած հասկացություններին, ծառայելով իր ժողովրդի կրթական, լուսավորական առաջընթացին։

²⁶ «Ժամանակ», 1863, N 16։

²⁷ Հրանտ Ասատուր, Դիմաստվերներ, Պոլիս, էջ 241։